

**Insinuations, registre n° 8 (1598-1600), f° 74, Archives départementales de la Haute-Garonne, cote 5 B 10, vue 81/1258.**

lxxiiii

L(ett)res de notaire royal de guill(aum)e ferran

Henry par la grace de dieu roy de france et de navarre  
a tous ceulx qui ces p(rése)ntes l(ett)res verront salut scavoir faysons  
que pour le bon et louable rapport que faict nous a este de( )la  
personne de n(ot)re cher et bien aime **guillaume ferran** et de ses  
siens souffizance loyaulte prodhoumie experiance et bonne  
dilligence a icelluy pour ces causes et au(tr)es a ce nous mouvanz  
a nous donne et octroye donnons et octroyons par ces p(rése)ntes  
**l estat et office de notaire royal au lieu de villebrunyer** sen(echau)cee  
de th(oulous)e que souloit cy devant tenir et exercer **bertrand austryn**  
**der(nier) paysible poss(ess)eur** d'icelluy **vacquant** a p(rése)nt **par son deces**  
pour par led(it) ferran avoir tenir et doresnavant exercer led(it)  
office et en jouyr et user aux honneurs autorites prerogatives  
esmolumens accoustumes et aud(it) office appartenans tant  
qu( )il nous plaira sy **donnons** en mandement au  
sen(echal) dud(it) th(oulous)e ou son lieutenant et a tous noz au(tr)es justiciers  
et officiers qu( )il appartiendra que leur estant deuement apparu  
des bonne vie et( )m(o)eurs religion catholicque dud(it) ferran et  
de luy prins et receu le serement en tel cas requis et  
acoustume ilz le recoyvent mettent et instituent ou  
faient recevoir mettre et instituer en possession et saysine dud(it)  
estat et office et d icelluy ensemble des honneurs autorites  
revenus et esmolumens des susd(its) le faient soufffrent et layssent  
jouyr et user playnement et paysiblement et a luy obeyr et  
entendre de tous ceulx et ainsy qu( )il appartiendra en choses  
touchans et concernans led(it) office abs(en)te et deboutte tous au(tr)e  
illicite detempteur non ayant sur ce noz l(ett)res de don et provi(sion)  
precedantes en datte cesd(ites) p(rése)ntes car tel est n(ot)re playsir en  
tesmoing de quoy nous avons faict mettre n(ot)re scel a sesd(ites) p(rése)ntes  
**donne a paris le dernier jour du mois de septembre**

.....  
l an de grace mil cinq cens quatre vingtz dix sept et de  
n(ot)re regne le neufviesme , signes sur le reply par le roy  
renouard scelles du grand sceau de cire jaulne a double queues